

Hisob siyosatini yoritib berish

94. Moliyaviy hisobotga tushuntirish xatidagi hisob siyosati to'g'risidagi bo'lim quyidagilarni bayon qilib berishi kerak:

94.1. Moliyaviy hisobotlarni tayyorlashda qo'llanilgan (qo'llanilayotgan) baholash asosi (asoslari);

94.2. Moliyaviy hisobotlarni aniq tasavvur etishda muhim ahamiyatga ega bo'lgan hisob siyosatining har bir maxsus qismi;

94.3. Hisob siyosatida biror o'zgarish sodir bo'lganda tuziladigan tushuntirish hisoboti.

95. Moliyaviy hisobotlarni tuzishda qo'llaniladigan maxsus hisob siyosatiga qo'shimcha ravishda hisobotdan foydalanuvchilar uchun moliyaviy hisobotlarda qo'llaniladigan baholash (boshlang'ich qiymat, joriy qiymat, sotish qiymati, diskont qiymat va balans qiymati) asosini (asoslarini) anglash juda muhimdir. Bu prinsiplar ko'p jihatdan uzluksizlik va hisoblash prinsiplariga o'xshash bo'lib, ular moliyaviy hisobotni tuzishning asosini shakllantiradi. Ular ana shu prinsiplardan ba'zi holatlarda baholash asoslarini tanlab olish imkoniyati mavjudligi bilan farq qiladi.

Agar moliyaviy hisobotlarda baholashning bittadan ortiq asosi qo'llanilsa, masalan, asosiy vositalarning muayyan turini baholashda bitta asos qo'llanilsa, o'lchashning alohida asosi qo'llanilgan aktivlar va majburiyatlar toifasi aks ettirilishini ko'rsatish zarur.

96. Hisobotdan foydalanuvchi uchun hisob siyosatining o'ziga xos jihatlarni yoritib berishning ustuvorligini ko'rib chiqishda rahbarlar u xo'jalik yurituvchi sub'yektning xatarlarini va kelgusidagi pul

mablagʻi oqimini baholashga imkon berishini eʻtiborga olishi kerak. Hisob siyosatini yoritib berish quyidagi axborotlarni oʻz ichiga oladi, lekin ular bilan cheklanib qolmaydi:

- 96.1. Foydani aks ettirish;
- 96.2. Konsolidasiyalash prinsiplari;
- 96.3. Faoliyat turlarini uygʻunlashtirish;
- 96.4. Birgalikdagi faoliyat;
- 96.5. Moddiy va nomoddiy aktivlarning aks etishi va eskirishi (amortizasiyasi);
- 96.6. Jalb etilgan mablagʻlar qiymatining kapitalizasiya qilinishi va boshqa xarajatlar;
- 96.7. Kapital quyilmalar;
- 96.8. Investisiya mulki;
- 96.9. Moliyaviy instrumentlar va investisiyalar;
- 96.10. Ijara;
- 96.11. Tadqiqot va taraqqiyot bilan bogʻliq xarajatlar;
- 96.12. Tovar-moddiy zaxiralar;
- 96.13. Soliqlar, jumladan kechiktirilgan soliqlar;
- 96.14. Zaxiralar;
- 96.15. Xodimlarni saqlab turish;
- 96.16. Xorijiy valyutani oʻtkazish;
- 96.17. Faoliyat turlarini, jugʻrofiy segmentlarni va xarajatlarni segmentlar oʻrtasida taqsimlash usulini belgilash;
- 96.18. Inflyasiyani hisobga olish;
- 96.19. Hukumat subsidiyalari.